

卷一百引詩松栢有埏埏與埏皆埏字之段借釋文埏字下舊有俗作二字下無字盧抱經本補埏字蓋卽以白帖爲據

旅楹有閑傳旅陳也箋以爲栢與衆楹瑞辰按旅當爲鑢字之段借說文鑢磨銅鐵也磨銅鐵爲鑢錯摩木亦得爲鑢故廣雅釋詁曰鑢磨也鑢通作廬又作鑢又作鋸考工記秦無廬注廬讀爲鑢謂予戟柄竹櫜秘或曰摩鑢之器賈疏云或有解摩鑢之器者但柄須摩鑢使滑故爲此釋方言云燕齊摩鋸謂之希今按鑢从慮聲與盧音近鑢之段借作旅猶驢矢作旅矢旅大山爲驢岱也鑢又作鑢及鋸猶齊通作呂也明堂位刮楹鄭注

刮刮摩也正與鑢摩同義春秋莊二十四年丹桓公楹公羊何休注楹柱也禮天子斲而礪之加密石焉諸侯斲而礪之加密石大夫斲之士首本尙書大傳曰栢天子斲其材而礪之加密石焉鄭注礪礪之也密石砥之也說文礪礪也天子之栢栢而礪之礪卽磨字尙書大傳及說文說栢與公羊注引禮說楹畧同蓋古者楹栢皆用刮摩與明堂位刮楹制合是知旅楹卽鑢楹鑢楹卽刮楹也刮楹爲天子之廟飾而明堂路寢同之故逸周書作雒解言明堂之制曰旅楹此詩新路寢亦曰旅楹皆謂磨鑢其楹也傳訓旅爲陳箋訓旅爲衆竝失之至郊特牲旅樹旅當讀爲刻鏤之鏤以古音鏤音同